



Amedo eta Dominguez akusatuen aulkian

Barrionuevok uko egin zion GALen ekintzei «terroristak» deitzeari

Diru berezien «kontrol zorrotza ziurtatu arren, ez zuen daturik eman

Herri Ekimeneko abokatuak zuzeneko galdera egin zion arren, Barrionuevok, Espainiako barne ministro ohiak uko egin zion GAL «talde terroristak» bezala definitzeari, eta egindako atentatuak «legehauste» bezala aipatu zituen.

ZORION ZAMAKOLA
Berriemate berezia / MADRIL

Era berean, diru berezien «kontrol zorrotza dagoela ziurtatu zuen, baina uko egin zion nolakoa zen erantzuteari».

Jose Barrionuevoren deklarazioak goiz osoa eta arratsaldeko zati bat iraun zuen, batez ere Herri Ekimeneko galderei erantzuten. Hain zuzen ere, Salas abokatuaren eta ministro ohiaren artean erdi eztabaidak ere eman ziren, besteak beste Salasi «berori» titulua ematearen komenentzia. Epaileak hamazortzi alditan moztu zion Herri Ekimeneko abokatuari.

Barrionuevok ukatu egin zuen Amedorekin inoiz bildu zenik, eta beroni buruzko ikerketa, nagusiei eskatutako datuez nahikotzat jo zuela ziurtatu zuen.

Paesa ere ez zuen ezagutzen ministro ohiak, eta GALa «talde isolatuek» osatzen zuten, eta gainera ez zuten berarentzat «terrorista» adjetibo merezi.

Barrionuevoren iritzian, Polizia espainolak azkar erantzun zien epaileak eskatutako ihardunei, eta berak egindako ikerketei esker lortu zuen GAL desagitea.

Salas: Zein da zeure iritzia GALari buruz? Erakunde terrorista dela uste duzu?

Barrionuevo: Nire ustez, agerian dagoena ikusita, talde isolatuak direla, naizionalitate ezberdinak eta gehienetan espainolak izan gabe, eta Frantziaren denak, ekintza deliktiboak egiten dituzte.

S.: Nire galdera zehatza da: Erakunde hau terroristatzat jotzen duzu?

B.: Esan dizut, ageriei lotzen naizela, eta horren arabera pentsatu dut, eta pentsatzen segitzen dut, elkarren artean loturarik ez duten taldeak direla eta legehausteak egin dituztela, beti ere Frantziaren.

S.: Orduan, erakunde honen ekintzak terroristak direla uste duzu?

B.: Gertakizun deliktiboak dira, ez naiz ausartzen kalifikazio juridikoa ematen.

Castells salaketa pribatuko abokatuari erantzutean ere, Barrionuevok baietsi egin zuen GALak egin dituen ekintza guztiak Frantziaren egin dituela, eta Espainian egindakoak «HBren muntaia» izan direla adierazi zuen.

Castells: Badakizu GAL siglak erabiltzen dituen erakundeak Estatu espainiarrean ere iharduten duela, adibidez, mehatxuak eginez edo tratu txarrak eraginez?



Jose Barrionuevok deklaratu zuen atzo Amedoren epaiketan.

EFE

Barrionuevo: Ez dakit zehatz, baina ez dut zalantzan jartzen. Posible da, oso erraza delako telefonotik deitzea, eta zer esango dizut Euskal Herrian dagoen beldur giroaz, eta beste sigla batzuekin askoz mehatxu gehiago egiten da.

C.: Ez diot behin, askotan baizik.

B.: Esan dizut nik baten berri daukadala.

DIRU BEREZIEKIN KONTROLA

Diru bereziei buruz ere ihardun zuen Barrionuevok. Beraren esanetan, Amedok behin baino ez zuen erabili horrelako dirua, eta seguru agertu zen legezkoa ez zen beste erabilera eman ahal izan zionean,

«oso kontrol zorrotza» dagoelako.

Castells: Ba al dago diru berezien kontabilitaterik?

Barrionuevo: Ez.

C.: Agertzen al da lekuren batean diru berezietatik ematen den dirua?

B.: Ez.

C.: Posible da orduan, norbaitek diru berezien erabilera desagokia egitea, adibidez prozesatuek, dagoen kontrol faltagatik?

B.: Ez dut uste. Kontrol zehatza dago, baina ez zuk diozunaren ildotik.

C.: Azalduko didazu zein den kontrol mota?

B.: Ez, ezin dut, legehaustea egin-go nukelako.

Alboko gelatik

Denboraren zama

Epaiketak bi aste bete dituen honetan, lehenengo egunetako arreta zama bihurtzen ari den sentsazioa nabarmena da. Gure alboko gela honetan, eta epailearen begibistatik kanpo egoteak ematen duen abantailarekin, hori areagotu egiten da. Hasteko, eta Barrionuevo bezalako pertsonaia «ospetsuak» deklaratzeko dutenean salbu, kazetari kopurua asko murrizten ari da, eta lehenengo egunetako etengabeko arretaren aldean, azken egunotan arruntagoa da zurrumurruak hedatzea, galdeketei jaramon egin barik. Zeresanik ez, epaileak «bihar jarraituko dugu» formula magikoa erabiltzen duen bakoitzean zurrumurrua oihu eta algara bihurtzen da.

Hala ere, alboko gela ez da nekea hedatu den leku bakarra. Beheko gela ere gero eta handiagoak dira epaile zein abokatuak egiten dituzten hankasartzeak. Gauzak horrela, aukera izan dugu Jimenez Alfaro lehendakariak Salas abokatuari «Amedo» izenez deitzen entzuteko,

Larretxea bahitzen saiatu ziren poliziak «informazio zerbitzuan»

Z.Z. / MADRIL

Barrionuevok behin eta berriro goraiatu zuen Polizia espainiarren lana GAL taldea ikertzeko orduan, eta are gehiago, une batean ziurtatu zuen «Espainiako poliziak eta Frantziako poliziak egindako lanari esker» lortu zela GALa desagitea, 1986. urtean.

Goena errefuxiatuaren aurka egin zen atentatuari buruz (1987an), Saez Calderon salaketa pribatuko abokatuak galdetu zion ea bazekien honek ez zuela ETArekin zerikusirik, eta beste arrazoi batzuegatik zegoela errefuxiatuta.

«Gogoratzen naiz sasoi hartan Parisen nengoela eta prentsurreko bat eman nuela. Frogatu egin daiteke giroan zegoen ideia zera zela, beraren egoera konpontzen ari zen pertsona zela Espainiara bueltatzeko. Eta giroan zegoen ETaren ekintza izan zitekeela, euren «damutuak» deitzen dietenen prozesua mozteko», erantzun zuen.

Calderonen galdera berretsi ziola, «ez dakit ez bata eta ez bestea» erantzun zuen Barrionuevok.

Bestalde, Larretxea errefuxiatu bahitzeko lau polizi espainiarrek egin zuten ahaleginari buruz, Barrionuevok «informazio zerbitzua» egiten ari zirela ziurtatu zuen, Frantziako Justiziak bahiketa ahaleginagatik kondenatu arren (beraiek egon gabe, Espainiako gobernuak itzuliko zirela aginduta, aske utzi zituztelako, gero epaiketan agertu ez baziren ere), eta Alvarez Bilboko komisariaburu ohiak berak bahitzeko agindua eman zuela bere deklarazioan onartu egin zuen arren.

Barrionuevok aurretik esandakoa errepikatu zuen San Cristobalek

ZORION ZAMAKOLA / MADRIL

Julian San Cristobal Estatu Segurtasunerako idazkari ohiak «ez naiz gogoratzen» eta «ezin dut erantzun» formulak berrekerri zituen atzoko saiora. Gogoratu eta erantzuten zuen kasuetan, berriz, aurretik Barrionuevo barne ministro ohiak esandakoa berretsi zuen, eta are gehiago, bi lekukoek ia hitz eta esaldi berberak erabili zituzten abokatuak egindako galderei erantzuteko.

Gauzak horrela, Julian San Cristobal GALKideak «berauren artean loturarik ez duten talde ezberdinak, eta ekintzak Frantziaren egin dituen» dela esan zuen, ia hitzez hitz Barrionuevok esan zuen bezala. Hala ere, «talde terroristaren» definizioaren ikasgai bat eman zuen epaiketan.

Calderon: Zuek izan zenituzten bileretan, GAL erakunde terroristak bezala hartzen zenuten?


San Cristobal: Honetan, zenbat buru, hainbat aburu; ni ez nintzateke ausartuko erantzun sendoa ematen.

Nire ustez erakunde terrorista jende multzoa da, berauren artean lotura dutena, iraupena dutena, euren artean ierarkia dutena eta, batez ere, beren helburua ordena demokratikoa eta instituzioak haustea izatea. Erabakiak txantxatzen dituen eta nazio bateko Gobernu demokratikoak hartzen dituen erabakietan eragina izan nahi duena. Ikuspuntu horretatik eta sendotasun osoz esan barik, nire ustez GALEko partaideek ez zuten erakunde terrorista osatzen, legehausteak egiten zituzten arren.

Diru bereziei buruzko galdera bakar bati ere ez zion erantzun San Cristobalek, gaur egun funtzionaria ez dela onartuta ere, horien berriematea legehaustea izango litzatekeela argudiatuz.

Defentsako abokatuaren galderei erantzunez, berriz, aurreko poliziak nagusi guztiek bezala Amedo poliziak «bikaina» zela baietsi zuen, eta ezin zuela lehegailueen berririk izan «hori oso talde berezien esku dagoelako».

Ricardo Ruiz Coll 1985eko apirila



Ricardo Ruiz Coll.

arte Irungo komisari buru izan ondoren Bilboko Informazio Brigadako buru izan zenak deklaratu zuen Amedo bere agindupean zegoen bitartean behin baino gehiagotan joan zela Espainian zehar ahozko baimen hutsarekin, inolako agiririk sinatu gabe.

Hau horrela balitz, indar gabe geldituko litzatekeelako bi poliziak judizialek deklaratu zutena, alegia, 1986ko otsailean amonaren hileta egunean Amedo aktiboan agertzen zela komisaldegiko agirietan.

«Jesus dagoeneko ez dakit zer esaten dudan ere» argudiatzeko ondoren. Edota Barrionuevok «berori» titulua erabiltzea Salas abokatuarentzat. Eta eztabaida bitxia piztuz, izen hori erabiltzearekin mesede egiten diola batek eta egokia ez dela, eta kitto, besteak.

Txarrerako nekea ere eman da, baina batez ere salaketako abokatuak «gailurra» ukitu dute epailearen jarraz, eta atzoko saioan gutxienez hamar aldiz kexatu ziren formalki. Ez dira makalak abokatu eta epailearen artean sortzen diren eztabaidak hauek.

Nekatzen ez den bakarra Estatuko abokatuak da. Atzoko saioan estreinatzen formalki, Barrionuevori egin zion bi galderekin (aurretik esandako lekuko baten izena zehazteko eskatu zuen bakarrik).

Bitartean, saioak gero eta luzeagoak dira, eta artikulua hau idazteko orduan atzo deklaratzekoak ziren hamar lekukoetatik lauk baino ez zuten egin.